

Skola hin to kentoske

Jek brosurí pa neve síkjibakopláni ta pa nevo skolakolági so boldela tuke konesko hin kenti aro téluniskola, specialnotéluniskola, specialnoskola vaj aro sámeskola



Skolverket

Tu sal inportanto

Tu sal douva kon sterdola néríde to kentos. Dólesko khál hin inportanto te tu ta to kentoske skola lena latše relacija ta tšérel itbutja te kentos angledžájarela pes. Pálal itbutja barujula to kentosko sajpa te džál angle dúr aro pengó džániba ta aro socialno barjiba. Te džánel skolako butjata barjula to vojiba te tšérel itbuti to kentosko skolaha.

Aro dauva brosurí leha tu informacija pa disavi barjiba so hin tšerdal aro skola ta son angovina to kentosko skolakostáviba.

HAJIBA PA PHÛRIDE TA ARAKHIBOSKERO

Normalnes hin jekto vaj ona phûride kentosko arahiboskero. Arakhiboskeroske hin angnal sváriba te dikhel pálal te kentos leha arakhiba, siguriba ta latšo barjiba. Kentosko arakhiboskereske hin sárenes hortiba te lel dieli pa sáre informasia so rálila kentos vaj sar sikjikúno aro skola, nína pa ajasáve džániba so hin garade pa sekretesi. Phûride kón ná kentosko arakhiboskero lela ná hortiba te lel dieli pa ajasáve džániba so hin garade pa sekretesi.

Po drom pe it rig

Skolakolági ta sikjibakopláni mote del kavieriba dotta te sáre sikjikúne leha itvieriba ta latšo skolakosikjiba bi dotta kaj jón džívena vaj aro savi skola jón stávena vaj aro savo skolakoformi jón džána. Skolakolági ta sikjiboskkipláni dena sáre skolake it butjako prinsibi. Themesko faldiba hin tšerdal agoriba pa nevo skolakolági kai rálila sáre sikjiba pe kentenge ta ternenge aro Svedo.

Aro skolakolági hin rañimen te sáre sikjikúnen mote len dieliba aro sikjiba ka ná len hortta dochiba te achen nikhi skolata. Sar phuride hin tút angnál sváriba te dikhelpe te to kenti džála ari skola. Ka tut naa phukade skola ta kentos hin endo nikhi bi doh mote tu pálal skolakolági aven openbárimen pa datta po vágunodíves.

Ka kameha te róden phiřiba to kentoske mote tu boldaves tu kajo skolako rektor. Douva hin skolako rektor kon lela agoriba pa phiřiba. Douva hin nína rektor kones tut mote boldes tut ka kameha te lel frestiba pa béri so hin aře aro téluni džániba ari



sikjiba. Te lel phiřiba pa ajasáve béri hin avlo tiknide pálal nevo skolakolági. Rektor leha inásto akseptirimel douva kana hin horta dochiba dáleske, ta dauva leha fanuvel ka hin horta dochiba dáleske, ta douva leha ferda rálevel jekto var télelal jek skolakobereh ta ná leha granitšinel sikjikúnesko vojiba te pherdavel džánibakoródiba. Tu hin hortiba te klágavel pa ajasavo agoriba ka faldibakohortibake.

Héruno (gavutno vaj phirutno skolako angleskere) lena lokalno angnal sváriba pa skola. Ka openbáрила ajasáve problemi so tu ta skolako personali ná hajuvel phut-ravel korkores hin tut vojiba te boldes tut kajo héruneske. Sakho hérune mote len rańivitiko rutine sar lena priři sikjibako klagiba ta tšérel ródiba dotta. Tu saj te puches pa datta aro to kentosko skolata.

O nevo skolakolagi rálila neve dieli pa dotta so lela skola te tšérel to kentoske kon phagarila stelíba, openbarila pes bilatšes vaj dochola pes bare phagaribaske. Dóleko pherdal te sikjikúnes voibuves bihaves avri aro skolakoklaři pa sikjibako stuńata te lel bechel harhal aro skola pálal skolakotíja pańa lela skolako rektor te del arakhibakolin. Arakhibako lin mote rálaven informasia dotta so vojuvel te fanuvel ka sikjikúno ná baruvela pesko manera. Sar eksemplura te sikjukúno voibuvel tšuves aro vauro skola.

O nevo skolakolági dena nína rektorske vojiba te phańel jek sikjikúno aro specialnoskola ta sámeskola ka hin mostiba te del siguriba vaure sikjikúnenge ta sikjibakofredi-

ba ta ka ná vaure tšeriba hin ná jelpade. Avri phańiba pa skolata leha áchel jek kurko pe var. douva sikjiba so joj vaj jov lachela. Arakhiboskereske hin vojiba te klágavel rektorsko agoriba pa avriphańiba ka faldibaskohortiba.

Neve sikjibakopláni

Avribaski nukta aro skolakolága hin sikjiboski pláni pe téluniskola, specialnoskola, specialnotéluniskola ta sámeskola avlo ra imen ajasáveske te sakhojek skolakoformi lena pengo iego sikjibakopláni. Sáre skóli, vi gávesko sar privatno ta themesko skoli mote vá pálal ta pherdaven douva sikjibakopláni pa skolata katta hin puchiba. Kana drabaveha sikjiboski pláni leha tu džánel save vieribako skolake hin ta save resin skolake hin. Aro sikjibakopláni rálila nína kursuskopláni ta džánibako ródiba sáre bereneske.

Sar velkavena skóla te tšeren buti saj baruvelpe, dotta tšerina agoriba sa skolako personali ta skolako angleskere tšetanes. Vi sikjikúnenge mote den vojiba te angouven aro buti. Sar phúride hin tut sajpa te lel dieli aro skolako buti dženom te lel dieli aro skolakotšetiba ta anglunibakorakhibu tu leha bihiba ta tu saj nína te lel kontakto kentosko skolaha te tšérel itbutja pe vaure manera.

SIKJIBAKOPLÁNI

Aro sikjibakoplánisko jekto kotoriba anglavela skolako téluniprinsibi ta tšeriba. Daa-ri pheńelas skolako butja so mote pherdavel phuvjako demokratikane vieriba ta sáre kon tšerena buti aro skola mote den patti sakko komujeske ta aro amari havaske.

Aro sikjibakoplánesko vauro kotor hin sikjibako hérune resin ta prinsiba. Akate phukavelas télide, vieriba ta džániba so sáre sikjikúne mote pherdavel ta džániba so sáre sikjikúne mote pherdaven pálal skolako agoriba. Dála resiba aro sáre skolako sikjibakobérin mote dumudel kenteske te barjavel pes. Sikjibakoplánesko vágune vauro kotoriba rálila nína pa jek avritšiba butja aro angluniskoliklasi ta aro phirotíjakotšére.

Aro trito kotoriba hin kursuskopláni pe sáre džánibako kaveribake aro sáre bere.



KURSOSKOPLÁNI TA DŽÁNIBAKOKAVIERIBA

Kursosko pláni aro sakho béri farabela soske béri hin aro skola, so hin sikjibosko mieniba ta save džániba mote del kentoske te barjavel pes. Kursoskopláni phukavela nína jek mahkurno ráliba. Dauva hin obligatorikane so hin aro bérija so mote pherdaves, nebi hin nína sajpa pe privato skolake te tšúvel pheralares butide ráliba.

Džánibakoródiba aro beri pherdavela kursoskopláni ta rikhavehas te vieravel to kentosko džánibako barjiba. Dóla faravena so skjikúne mote te džánel apo ajasáve tíja ta sar dauva lela pheńiba. Aro téluniskola hin džánibakoródiba pe únide džániba aro agor pa skolakobereh trin aro bérija sveitiko, sveitiko sar vaurotšib, matematika, phuvjakane béri ta naturkikanebéri. Aro skolakobereh hou hin džáanibako kavieriba pe sáre béri bi modernikane tšiba ta aro skolakobereh enja hin džáanibako kavieriba sáre bériske.

Aro skolakobereh trin rikhavehas džáanibako kavieriba dóleske te avelas vojiba te del kaveriba pa džánibata. Aro skolako bereh hou (katar skolakobereh 2012/13) ta

skolakobereh enja rikkavehas džánibakoródibe dóleske khal te vieravel savo džániba kentoske hin aro bérija.

Džánibakoródiba hin tšerdal pála jek nevo kavieribakoskala ta hin rettade aro skolakobereh hou ta enja pe kavieribakonivo E, C ta A. Pe latše džániba mienavehas télunidžánibako latšiba aro béri, so hin it sar kavieriba E.

Aro specialnotéluniskola hin džánibakoródiba aro agoriba pa skolakobereh hou ta aro agoriba pa skolakobereh enja pe sáre bereske. Aro frestibakoskola hin džánibakoródiba pe télunidžánibake vaj horalo džániba aro agoriba pa skolakobereh enja.

- Aro specialsolan, so hin deh berehkano, hin džánibaoródiba únade džániba
- aro agoriba pa Skolakobereh star aro béri sveitiko, sveittiko sar vauro tšiba,
- matematika, vastengi tšib pe kahuke ta dólenge kon huńela bilatšes, phuvjakane béri ta naturikanebéri. Aro skolakobereh ehta hin džánibakoródiba pe sakho bériske, Útan moderinakane tšiba ta aro skolakobereh deh hin džánibakoródiba pe sakho bériske.

Sámeskola vá pálal téluniskolako džánibakoródiba pe skolakobereh trin ta hou.

Langhtide aro teksto, ka džánibakoródiba phukavehas dehas inásto informasia so rálila téluniskola. Tuke konesko kentos džála aro specialnotéluniskola, specialsolan vaj sámeskola rálila informasia so hin aro dauva stáriba.

Ka kameha te drabavel butide pa skolakolági vaj pa sikjibakopláni laheha tu butide informasia aro Skolakobirosko webbthan:

www.skolverket.se/skollagen2011 (skolakolági)

www.skolverket.se/nyalaroplaner (sikjibakopláni)

NEVO KAVIERIBOSKOSKALA


O nevo kavieriboskoskala pe butide kavierboskostarakiba hin tšundal. Aro nevo kavieriboskoskla hin hou starakriba: A, B, C, D, E ta F. Kavieribakostakriba A hin apride ta E hin télide kavieriba. Kavieriba F hin na aksentirimen kavieriba. Kana

sikjikúne hin áhdal aja but nikhi skolata te ná áchelas džániba sar tšuveles les kavieriba merkavehas douva pe jek linja.

Téluniskolake hin aro nevo skolakoskala pangs starakiba: A, B, C, D ta E. Kavieriba F vaj merkiniba linja ná rálila aro skolakoskala. Kana jek sikjikúno ná aro téluspecialskola pherdela ródiba pe kavieribake E, vaj kana ná téliba te tšuves kavieriba ka kentos hin áhdal aja harhal nikhi skolata. Te lel kavieriba A, C vaj E mote sakhojek džánibakoródiba pherdaves sárenes.

Te lel kavieriba B mote džánibakoródiba pe kavieribake C pherdales kotoriba pa džánibakoródiba pe kavieribake A áchel pherdo. Itmanéra hin aro džor te lel kavieriba D mote hilo džánibakoródiba pe kavieribake E ta pherales kotoriba pe kavieribake C achel pherdo.

Ka tut vaj to kentoske hin tenkiba ta dochiba kavieribake hin tumen pálal nevo skolakolági hortiba te len informasia pa dotta.



KAVIERIBA KATAR HOUTO SKOLAKO BEREH

Ka o toma 2012 tšuveles kavieriba katar o houto skolakoberh ta pálal sakko skolako termini ka agor skolakobereh enja. Terminijako kavieriba mote tšovel pálal dóla džániba kaj sikjikúno hin džejal angle aro divutno termini. Kavieriba mote tšuves aro relacia pe džánibakorodiba aro houto skolakobereh. Katar eftato skolako bereh tšérelas kavieriba ka džánibakorodiba ka aro enjato skolakobereh.



Vieriba ta anglunibakorakhibako

Te džanel tšatšes te to kentos barjila pes kajo sikjiboskoplánesko pherdalne resin ta dúral dikhibako resin pe sakho bériske, dóleske hin infortanto te skolako buti fanuvela aro itbutija tšéreha. Téral skolakobereh tsérila sikjiboskero vieriba pa to kentosko sikjiba ta kentosko anglestáviba. Tu leha information pa datta kutides jek var aro skolako termini ka tu ta kentosko sikjiboskero vaj hérunosikjiboskero aro skolakoklaši rakhela aro anglunibakorakhiba.

Tšetanes aro anglunibakorakhiba mote jek individuelkano angluniplani tšéres. Dzenovitiko anglunipláni mote rálaven vieriba pa to kentosko džánibako anglestáviba aro dóla béri kaj to kentos hin líjal sikjiba. Douva mote nína rálaven jek tšetiba pa dólenda jelpiba so hyövyilas te to kentos lelas resin ta barjuvelas aja dúrales so hin vojiba.

Ka kameha te drabaves butide pa anglunibakorakhiba, džénovitiko anglunipláni pe rañimen vieriba (IUP) ta pa tšeribakoprogrami hin informatisia aro Skolakobirosko webbthan:

www.skolverket.se/iup

Hortiba te barjavel aja bût sar hin vojiba

Sáre sikjuknenge mote len douva stimulasia so jón hyövyła aro pengi sikjiba ta aro pengi dženovitika barjiba te jón lena vojiba te barjaven aja bût so hin vojiba. Douva rálila sáre sikjikúne kónen hin lokho te pherdaven džánibakolági. Dóla sikjikúnen kón ná pherdena douva džánibakolági so mote pherdaves, lena hortiba te len specialno dumudíba. Douva hin aro rektoreško angnał sváriba te dikhel te sikjikúnesko hyöviba ta dumudíjbasko hyöviba vołavehas kana openbáрила te sikjikúneske hin specilano hyöviba pa dumudiba mote jek specialno dumudíjboski pláni rañes.

Tut ta to kentoske hin hortiba te len dieliba kana dumudíjboskipláni rañehas. Tu leha nína pálal skolakolági hortiba te klágaves pa rektoreško agoriba ka Skolako héruneklagibosko skokhake. Douva dochila nína pa jek agoriba pa te jek tšeribakoprogrami ná tsérehas dólesko rañibakoformi ta ráliba aro jek tšeribakoprogrami. Tut hin nína sajpa te klágaven pa rektorosko agoriba pa specialno dumudiba dehas jek specilano sikjibakoskokhake vaj privatno sikjikúneske, vaj pa rektoreško agoriba so arakhena rumavitko skolakostáviba.





Ka kameha te drabaves hilo sikjibakopláni?

Tu saj te ánel vaj pherel télal sikjibakopláni katar Skólakobirosko
webbthan www.skolverket.se

ISBN 978-91-86529-97-0
Grafisk form: AB Typoform
Omslagsfoto: Michael McLain
Foto inlaga: Michael McLain
Skolverket 2011

Skolverket